

Broj: 02-105-18-01

Datum objave: 20.08.2018. godine

JAVNI POZIV

JAVNIM PREDUZEĆIMA U FEDERACIJI BiH ZA UČEŠĆE U PROGRAMU OBUKA S CILJEM KREIRANJA I USPOSTAVLJANJA PANOVA INTEGRITETA

Transparency International u Bosni i Hercegovini (TI BiH) poziva javna preduzeća u Federaciji BiH da uzmu učešće u programu obuka o načinu kreiranja i uspostavljanja planova integriteta, s ciljem smanjenja korupcije i unapređenja transparentnosti, odgovornosti i integriteta u njihovom radu.

TI BiH u saradnji sa Udruženjem članova odbora privrednih društava u BiH, kao i Agencijom za prevenciju korupcije i koordinaciju borbe protiv korupcije provodi projekat „Jačanje korporativnog upravljanja javnih preduzeća u BiH kroz antikorupcijske programe“, finansijski podržan od strane Ambasade Kraljevine Holandije u BiH, a čiji je cilj jačanje korporativnog upravljanja u javnim preduzećima u BiH čime se doprinosi održivom razvoju BiH. U okviru projekta planirana je podrška javnim preduzećima u procesu kreiranja planova integriteta pomoću namjenski razvijenog *Priručnika o suzbijanju korupcije i dizajniranju planova integriteta u javnim preduzećima*.

TI BiH već duži niz godina saraduje sa javnim institucijama u procesima kreiranja i implementacije antikorupcijskih mehanizama. Stoga će stručni tim TI BiH u periodu od oktobra 2018. do jula 2019. godine vršiti edukaciju predstavnika 10 izabranih javnih preduzeća koja djeluju na teritoriji Federacije BiH o načinu kreiranja i uspostavljanja planova integriteta. Javna preduzeća koja se odluče kreirati i uspostaviti planove integriteta u svojim administracijama biće prvaci u poduzimanju konkretnih aktivnosti na suzbijanju korupcije, te izgradnje demokratskog i otvorenog društva. Plan integriteta je preventivni mehanizam pomoću kojeg će javna preduzeća uraditi procjenu procesa koji su izloženi koruptivnim rizicima, te uspostaviti mjere kojima će se smanjiti prostor za pojavu korupcije i time unaprijediti transparentnost, odgovornost i integritet javnih preduzeća. Izradom planova integriteta javna preduzeća ispunjavaju obaveze propisane strateškim dokumentima za borbu protiv korupcije na svim nivoima vlasti u BiH.

Pravo prijave na Javni poziv za učešće u programu obuka s ciljem kreiranja i uspostavljanja planova integriteta imaju javna preduzeća koja ispunjavaju sljedeće uslove:

1. Jasna i nedvosmislena izjava o namjeri predstavnika javnog preduzeća da kreira i uspostavi plan integriteta, te da će u budućnosti raditi na razvoju i unapređenju plana;
2. Iskustvo u realizaciji sličnih projekata koji imaju za cilj razvoj i jačanje odgovornog poslovanja;
3. Da posjeduju web stranicu i da je ista redovno ažurirana;
4. Raspoloživost sale u javnom preduzeću za održavanje minimalno jednog treninga;
5. Raspoloživost ljudskih resursa – delegiranje i imenovanje tri (3) predstavnika za učešće na svih pet (5) planiranih obuka koji će se održati prema naknadno usaglašenom rasporedu.

Kriteriji za izbor i ocjenu prijave:

- da javna preduzeća ispunjavaju gore navedene uslove;
- da javno preduzeće, ukoliko je bilo obuhvaćeno istraživanjem o transparentnosti u korporativnom izvještavanju ima pozitivan ukupan broj indexnih poena („Transparentnost korporativnog izvještavanja državnih preduzeća u BiH“, april 2018. Izvor: <https://ti-bih.org/transparentnost-korporativnog-izvjestavanja-drzavnih-preduzeca-u-bih/>);

Udruženje za borbu protiv korupcije Transparency International u BiH
Reg. No. UP08-07-1-616/11, Ministarstvo pravde BiH, Sarajevo

Sjedište: Gajeva 2, 78000 Banja Luka, Tel/Fax +387 51 216 369, 216 928, 224 521, 224 520
Poslovnica: Mula Mustafe Bašeskije 9/1, 71000 Sarajevo, Tel +387 33 220 049, Fax +387 33 220 047
E-mail: info@ti-bih.org
Web: www.ti-bih.org

- da postoje jasno i precizno definisani ciljevi i politike kojima se treba rukovoditi prilikom upravljanja javnim preduzećem;
- da preduzeće objavljuje planove i izvještaje o svom radu.

Napomena: Obrazac za prijavu (OB 02-105-18-01 1) nalazi se u prilogu ovog Javnog poziva, kao i na web stranici www.ti-bih.org

TI BiH će snositi sve troškove organizacije obuka za kreiranje i uspostavljanje planova integriteta, te kontinuirano pružati podršku odabranim javnim preduzećima tokom izrade planova integriteta.

Javni poziv ostaje otvoren dvadeset jedan (21) dan od dana objavljivanja na web stranici TI BiH (www.ti-bih.org). Prijave je potrebno dostaviti na adresu: **Transparency International u BiH, Mula Mustafe Bašeskije 9/1, 71000 Sarajevo**. Prijave dostaviti u zapečaćenoj omotnici, sa naznačenim nazivom, kontaktima i naznakom: **“PRIJAVA ZA UČEŠĆE U PROGRAMU OBUKA S CILJEM KREIRANJA I USPOSTAVLJANJA PLANOVA INTEGRITETA“**.

Nakon isteka roka za prijave samo odabrana javna preduzeća će biti kontaktirana (najkasnije do polovine septembra 2018. godine). TI BiH će naknadno sa izabranim javnim preduzećima utvrditi detalje realizacije projekta, kao što su definisanje obaveza jedne i druge strane, imenovanje kontakt osoba, plan obuka, te način saradnje i izvještavanja o aktivnostima.

Dodatne informacije je moguće dobiti putem maila emujkic@ti-bih.org. Kontakt osoba je Elvira Mujkić.